

پیشروانِ لیگِ عالمی

ڈاکٹر شعیب اقبال



نہ عشق نوں لیکوں لائیں

پنجابی شاعری

پروفیسر ڈاکٹر شیخ محمد اقبال

نہ عشق نوں لیکوں لائیں

سارے حق لکھاری دے

کتاب دا ناں :	نہ عشق نوں لیکان لائیں
موضوع :	پنجابی شاعری
شاعر :	پروفیسر ڈاکٹر شیخ محمد اقبال
پہلا دور :	2016ء
پرترز :	ثانی پریس سرگودھا
مکھ منظر :	اسلم کمال
کمپوزنگ :	تنویر احمد (03442043161)
تعداد :	500
نمل :	200/- روپے
رابطہ سرگودھا :	131۔ رحمت پارک یونیورسٹی روڈ سرگودھا
فون نمبر :	0300-4489399
رابطہ لاہور :	شہد بخاری ایڈوکیٹ 651/D
	فیصل ٹاؤن لاہور 0300-4855148

انتساب

پنجاب دی سچی تے سچی
رہتل دے ناں

جانکاری

پروفیسر ڈاکٹر شیخ محمد اقبال	نام:
شیخ اللہ دیا	ولدیت:
15 مارچ 1945 کرناٹ (بھارت)	جنم تاریخ:
اٹھویں ورہے وچ	پیشانی وں محرومی:
ایم اے انگلش، ایم اے اردو	تعلیم:
ایم فل (گولڈ میڈلسٹ)، پی ایچ ڈی	کم کار:
تعلیم و تدریس	مصروفیات:
سامی، بیہود، صحافت، شاعری، ترجمہ کاری	ایڈیٹر:
ماہنامہ ”سفید چٹری“ سرگودھا	ادبی رجحان:
صدر ریزم فکر و خیال سرگودھا	
مطبوعہ کتب	
شاعری:	
1۔ ساحل تشنہ لب	
(1982)	

اساں سیانے بن کے کیہ لینا
جہڑا شہر چاند کلا اے

- 2۔ سوالیہ نشان (دوا لٹریچر) (1993) (1989)
 3۔ اک سفر اچھا لگا (1998)
 4۔ تلاوت دل (مجموعہ مدونہ) (1998)
 5۔ Love's no Crime (2005)
 6۔ یہ کفر دل نہیں مانتا (2007)
 7۔ اُس کے نام (2014)
 8۔ نہ عشق نوں لیکان لائیں (2016)

تنقید:

- 1۔ جون ڈن شخصیت اور شاعری (1993)
 2۔ اقبال، بکھورا اقبال (1999)
 3۔ جون کیلس شخصیت اور شاعری (2001)

نثر:

- 1۔ ذوق تماشا (1993)
 2۔ جہان مد و پرویں (1997)
 3۔ دیدہ دل (1998)
 4۔ کبریات سر ہوگی (2001)

نہ عشق نوں لیکان لائیں

- 5۔ آشوب آگئی (2007)
 6۔ مجھے ہے حکم ازاں (2012)
 7۔ ڈپریشن، علامات، اسباب اور علاج (2013)

خودنوشت:

- 1۔ پردہ نہیں سے (چند سوانحی جھلکیاں) (2009)
 ڈاکٹر شیخ محمد اقبال پر شائع شدہ کتب و جرائد
 1۔ ماہنامہ ”سفید چٹری“ کا پروفیسر شیخ اقبال نمبر (1999)
 2۔ بیاضی دل (مرتب: شاہد بخاری ایڈوکیٹ) (2005)
 3۔ ماہنامہ ”سفید چٹری“ کا پروفیسر ڈاکٹر شیخ محمد اقبال کی نظم و نثر سے انتخاب نمبر (2005)
 4۔ ماہنامہ ”رحمت“ (لاہور) کا پروفیسر ڈاکٹر شیخ محمد اقبال نمبر (2007)
 5۔ سلسلہ وار مجلہ ”دستک“ مری کا پروفیسر ڈاکٹر شیخ محمد اقبال نمبر (2007)
 6۔ حرفِ تمنا (مرتب: شاہد بخاری ایڈوکیٹ) (2008)
 7۔ ڈاکٹر شیخ اقبال شخصیت اور فن (مؤلف: قصور اقبال) (2011)

نہ عشق نوں لیکان لائیں

- 8- ماہنامہ ”سپیونٹک“ لاہور کا ڈاکٹر شیخ اقبال نمبر (2012)
- 9- خصوصی گوشہ ماہنامہ ”سرگزشت“ کراچی (2013)
- 10- خصوصی گوشہ سہ ماہی ”بلاگ“ کراچی (2013)
- 11- خصوصی گوشہ ”روزنامہ کشمیر پوسٹ انٹرنیشنل“ اسلام آباد (2013)
- 12- ڈاکٹر گوہر نوشاہی کی زیر نگرانی ”پروفیسر ڈاکٹر شیخ اقبال کی غزل گوئی“ پر عاصمہ قمر احوان کا ایم۔ اے اردو کی سطح کا تحقیقی مقالہ (سپتمبر 2007-08)
- 13- خصوصی گوشہ سہ ماہی ”خیال و فن“ لاہور ادوجہ (2013)
- 14- خصوصی گوشہ ”راوی ماہر“ شیخوپورہ (2015)
- زیر طبع:
- The Impact of British Poets on Iqbal-1
(پلی۔ ایچ ڈی کا تحقیقی مقالہ)
- 2- تحقیقی جوہر

صفحہ	فہرست
13	ڈاکٹر شیخ اقبال
18	حسن محبت جے غلوں دی آواز ”نہ عشق نوں لیاں لائیں“ اخلاق عاطف
25	پروفیسر ڈاکٹر شیخ محمد اقبال۔۔۔ ڈونگھے خیالاں دا ڈنجا را سید اسلام شاہ
31	اک انجی شخصیت واقعارف جیوئی تعارف دی محتاج نہیں راجا رسالو
37	میں نعت لکھ رہا ہوں عنایت حضور دی
39	دل بہت ترپا نڈا کھلا اے
41	سدا مراں مار دکایا اے
43	کدے بھل کے پھیرا پاپنا، کدے آجینا، کدے آجینا
45	میتوں جیٹاں! نچ تر قایا میرے سارے ہاے تک گئے
47	میں اس دھرتی نوں کچھ دتاں نہ فرصت اے نہ ہمت اے
49	کدے یوں لا را لگتا میں
51	آس (قلم)
52	میں کتاں ہو رہا ہوں میں جے آجا
54	پریم نگر (قلم)
55	میں بھلاں رہا ہوں تجاری آس مری چند جان دکھری اے
57	بجارت (قلم)

58	کے نوں کیہ پتا دتا مری بے گھر حیاتی اے
60	مُختا (قلم)
61	چننا چننا مہنگا پئے گیا
63	میں ہسدا اسان ہسدا اسان، نہ نمن اوو دن، نہ اوو راتاں
65	ایہ کیہ ویلا (قلم)
66	وہیلے دی لہر (قلم)
67	کسے تے جان اتنا دن دی کوئی کوئی نہیں
69	اک مُختا آن چکا تہا اے
71	تن پگھلا یا سوچاں نے
73	دھڑکو (قلم)
74	بیاردی جگلی (قلم)
75	اک دل پر چاٹی لبھنا داں
77	ای جی کے مڑ وکریا کیہ
79	اک کھڑتا تھنا جا پئے اے
81	شعر لکھے کیہ کتر لکھیا، بھکھے مر گئے
83	رہا کچھ ہوو (قلم)
84	خالی بھولی (قلم)
85	اُج سو پیاں پکھلاں لکھاں میں کوئی میجون، بھاوے کدے کدے
87	کیہ تھوڑی حال بنایا میں کہوں کہوں دساں
89	مکوی چاودوی پوی (قلم)

نہ عشق نوں لیکیاں لائیں

90	یا راں نال بہاراں (قلم)
91	کدے نیر دی پھیرا پاپا دیں
93	تری پیا داں دے پھل بکس، میں جا گھڑا کیہ کرنا
95	ای آں سارے بُھوت (قلم)
96	دل پھڑ (قلم)
97	جو کچا بھرا پیندا اے
99	ہو کر کھائیں تھالا
100	حسن دی دیوی (قلم)
101	اے میرے سوہنے پیا کیہ آکھاں
103	ایہ تھلا دل کر لاند اے
105	عشق دی بازی (قلم)
106	موت (قلم)
107	میں خورے کیہ کیہ کرنا داں
109	اساں آساں لا کے کیہ کرنا
111	وہیلے کوہیلے (قلم)
112	دل نہ ڈھکا ڈھکا دے جاؤ
114	نویں حیاتی (قلم)
115	وہیلے دی ماریوں کیہ آکھاں
117	سواکت (قلم)
118	پاداں دے کھنگرو (قلم)

نہ عشق نوں لیکیاں لائیں

119	میں آپ ہی جت کے ہار گیا
121	کدے نہ کرنا پیارا تھا جھلاسی
123	ویلا (قلم)
124	چھتاوا (قلم)
125	کیہ پتیا کی کجھ پتیا نہیں
127	میں دین ایمان و نبلیا پر کجھ دی ہتھ نہ آیا
129	ایویر لکھنی رام کہانی
131	جیانی کھیڑ دی سدی بے میر کے کول ہوویں ہا
133	مرے کولوں نگھ گئی لاری میں بیٹھا وہ ہندو رہ گیا
135	کیہ سوئی جوائی و سرتی، کیہ سو ہتا زمانہ و سر گیا

منہ حلی کل

ایہ گل میرے پلے دی نہیں پئی کہ میں پنجابی وچ شعر کہن وچ اپنی دیر
کیوں لیتی۔ اُج تے شعر کہتا کسے وی زبان وچ کسے دے دس وچ نہیں، کوئی دھوئی
کرے کہ میں شعر کہن لگاواں کجھ چنگ نہیں لگدا، ایہ تاں سنیاں اے تے لگدا وی اے
کہ شاعری وی دین اے اُس دین آ لے دی جہو اسب کجھ دیندا اے۔ فیر دی مینوں
چاہی دای کہ میں پنجابی وچ لکھتاں بہت پہلے توں شروع کر دیندا۔

میں اپنی بہت ساریاں لکھتاں وچ دسدا رہیاں کہ میری جنم بھومی شرقی
پنجاب دا شہر کرنال سی۔ پر ایہ گل بھلی نہیں چاہیدی کہ کرنال متحدہ پنجاب دا ای شہر سی
تے پورا پنجاب مسلماناں دا حصہ سی، مسلم لیگ دا ایہی مطالبہ سی۔ علامہ اقبال ہوراں
۱۹۳۰ وچ جہو ا خطبہ الہ آباد وچ دتا سی اوہدے وچ جہو بے صوبے اوہ مسلماناں لئی
ضروری سمجھدے سن اوہناں وچ پنجاب سب توں زیادہ ضروری سی تے ایہ گل
انگریزاں نے وی من لئی سی، ہندو وی ایس تے متفق سن، فیر کیہ ہویا، خورے کیہ
ہویا، پنجاب دے دو ٹوٹے ہو گئے۔ ایہ زیا دتی سی، اک سازش سی، بے کرایہ نہ ہوندا
تے پنجاب آج وی سانجھا ہوندا۔ تے کرنال وی پنجاب دا حصہ ہوندا، تے اُج میرا تعلق
اوں پنجاب نال ہوندا جہو اساڈا ساریاں دا پنجاب سی۔ بھانویں من شرقی پنجاب
نوں بھارت نے تن صوبیاں وچ تقسیم کر دتا ہویا اے تے کرنال شہر صوبا ہریانہ وچ

شائس ہو گیا اے۔ اے کدے نہ ہوگا، چے کر اوہ ہوگا اجڑا سا ڈاخن سی، ساڈی خاش سی، ایہی میرا تعلق پنجاب نال اے تے پنجاب نال ای رہے گا۔ زبان کوئی دی ہووے، ۲۰۱۰ کو پاں بعد اک نوں لکھی صورت اختیار کر لینی اے۔ اس واسطے کنال دی پوٹی پنجابی تے نہیں سی پر پنجابی تو کھوئی نہیں سی بہر حال پاکستان دے بہت سارے لکھاریاں دا تھیں اردو وچ لکھتا شروع کیا ایہ فطری سی ایس واسطے کہ اسی گھر وچ اردو پولدے ساں تے سکولاں کالیاں وچ دی اردو پڑھدے ساں تے ساڈے نئے پرستے شاعر دی اردو وچ لکھدے رہے۔ وٹی توں اقبال تیکر اسی جہڑے جہڑے شاعر پڑھے اوہ اردو دے شاعر سن۔ ایس لئی اردو وچ شعر کہنا فطری جا پدا سی۔

میںوں یاد اے کہ کوئی سن ۸۵-۱۹۸۳ وچ میں اک پنجابی نزل لکھی سی پر اوہ پڑ نہیں کھسے کواچ گئی، ابھی نہیں فیرو پلاگز روا گیا، فیر میں پنجابی وچ کچھ نہیں کیا۔ میرے جانتا رجان دے میں میں انگریزی دا طالب علم رہیا واں تے انگریزی ای میں پڑھائی اے، ایہ وی ممکن سی کہ میں انگریزی وچ شعر کہنا شروع کر دینا پر انج ہو یا نہیں ایس لئی دی کہ شاید میں سوچدا ہواں کہ میری انگریزی شاعری نوں کون پڑھے گا۔ شاعر دا ایہ بڑا مسئلہ ہوگا اے کہ اوہ جو کچھ کہندا اے اوہ سنان لئی کہندا اے پر فیر خورے کس طرحاں انگریزی شاعری ہونا شروع ہوئی تے میری کتاب Love's no crime پھلا پے چڑھ گئی، اونوں کھن آئے تے گھٹ ای نہیں پر جہڑے سمجھدے میں اوہتاں چوکی تعریف کیتی اے۔ لیہنا دن وچ ای میرے متر تے پنجابی دے سرکڑھویں شاعر آتش کیانی ہوراں نے کچھ اس طراں میںوں قائل

نہیں نوں لیاں لائیں

کیا کہ میں پنجابی وچ شعر کہنا شروع کرو تے۔

متر و میں سمجھدا ہاں اگر شاعروں وزن دا احساس ہو جاوے تے اونوں اوہ زبان وی آمدی ہووے جہڑے وچ اوہ شعر کہنا چاہندا اے تے شعر ہوا ی جانے نہیں۔ ایہ گل وی دلچسپی توں خالی نہیں ہووے گی کہ جدوں میں پنجابی وچ کچھ کہنا شروع کیا تے کچھ غزلاں قاری دیاں وی ہو گیاں سن۔

ایس ویلے میں دنیاں چاہتا واں کہ میں پنجابی وچ کچھ لکھن دی کوشش کج کیتی۔ یہ کوئی حیرت دی گل نہیں اسی سبب جہڑی رختل وچ ساہ لینے آں اوہ پنجابی اے، ایس واسطے پنجابی زبان توں دکھ ہو کے کوئی رہ سکدا ای نہیں، فیر جتوں تیکر میری ذات دا سوال اے میں ہر زبان نال پیار کر دا رہیا واں ایس کر کے کہ میںوں ہر انسان نال پیار اے۔ جنہوں میں پیار کرنا واں اوہ جہڑی زبان وی بولے اوہ میںوں پیاری لگدی اے، زبان تے انسان دی بچکان اے، ایسی فیر اے کہ خورے کدوں توں میںوں پنجابی شاعری نال دلچسپی رہی، ریلے پتوں شربون والا شاعر شاید ای ایسا ہووے جہڑا میں نہ منیا ہووے۔ فیر میرے سرائل دی زبان پنجابی سی، اوہتاں دا تعلق امرتسر نال سی، ایس توں علاوہ پنجابی بارے جہڑی وی تقریب ہوگی میں اوہ وچ شائس ہوگا رہیاں۔ بابا پھمے شاہ دا کلام ہووے یا دارت شاہ دا، سلطان بابا دا کلام ہووے یا شاہ حسین دا۔ اوہ جے میںوں ہمیشہ متر کیتا فیر سرکڑھے شہر وچ جے دی مشاعرے ہوئے اوہتاں وچ پنجابی شاعر اں دی بہت وڈی تعداد ہوندی سی اوہتاں دا کلام وی میںوں ہمیشہ اپنے دل کچھدا رہندا سی۔ میں آتش کیانی ہوراں دا ذکر کر چکا واں پر میںوں پنجابی شاعری وئے دھروکن وچ پنجابی دے مہمان شاعر اخلاق عاطف

نہیں نوں لیاں لائیں

ہوراء داوی بڑا حصہ اے۔ نسیم اقبال بھیجی ہو ریں پنجابی زبان و ادب وچ ڈبے ہوئے نیں اوہ میرے بڑے ہی پیارے مترنیں اوہناں نے وی میری بڑی حوصلہ افزائی کیتی۔ ایسے طرہاں مومن ہاشمی وی ایسے خواہش والا کہہ کر دے رہے کہ میرا پنجابی کلام پچھنا چاہی دا اے میں جدوں ۳۰-۳۴ غزلاں تے نظمیں لکھ لیاں تے اونوں اخلاق عاقل ہوراء پر مہیا تے مینوں بہت چنگے مشورے دتے۔

بہر کیف بن پنجابی وچ کچھ کلام ہو گیا اسے ایس دے موضوعات اردو کلام توں کچھ زیادہ دھوکھٹیں کیونکہ شاعری کسے زبان وچ وی ہووے جذبات دی کہانی بیان کر دی اے۔ ہاں زبان دا اپنا رنگ ہوند اے اپنا اپنا ذائقہ، اس حوالے نال ہو سکدا اے کہ کچھ نویں خیال وی پنجابی شاعری دا حصہ بن گئے ہوں پر میں ایہ گل واضح کر دیتا ہوں کہ پنجابی شاعری وچ میری اردو تے انگریزی شاعری دے اثرات ضرور موجود نیں۔ میں بعض انگریزی شاعراں دے کلام تے نظمیں توں متاثر ہو کے کچھ ایہو جیہ کلام وی لکھیا اے جہاں توں پڑھ کے جون ڈن، کیٹس، براؤننگ تے ہور بوہت سارے یورپی شاعراں دے اثرات نظر آؤن گے۔ پر کوشش ایہی رہی اے کہ سارا عمل حقیقی طور تے ہووے کسے شاعر دے کلام دا چہالے کے شعوری طور تے شعر کہنا کوئی پسندیدہ گل نہیں، بہر حال جون ڈن دیاں بعض نظمیں نے تے مینوں بہت متاثر کیتا اے تے سولہویں صدی دے اس انگریزی شاعر دی بعض نظمیں دے بعض خیالات میری پنجابی شاعری وچ دیکھے جاسکدے نیں۔

پنجاب دھرتی دے میرے اُتے بڑے احسانات نیں۔ ایس واسطے میں اپنے آپ توں پنجاب دھرتی دا ویتیک بلکہ اونوں اپنی جہنم بھوی آکھن وچ کوئی

نہ عشق نوں لیاں لائیں

چنگا ہٹ محسوس نہیں کروا۔ پنجابی شاعری کر دیاں ہویاں مینوں اپنے بہت سارے ہور متراں دا وی تعاون رہیا اے تے میں اوہناں دے سامنے اپنا کلام پیش کر داریاواں جہاں وچ شاہد بخاری، سعید احمد بوطہ، سید نسیم الحق، شاہد اسلام دانش، اقبال تار، تنویر احمد، محمد ریاض تے ہور کئی متر شال نیں۔ میری خوش بختی اے کہ میرے لاہور قیام دے دوران جہوے پنجابی شاعر میرے متر بنے اوہناں نے وی میری پنجابی شاعری اُتے اپنے خیالات دا اظہار کیتا جہاں وچ راجہ رسالو (مرحوم) تے اسلام شاہ (مرحوم) شامل نیں۔ بہر حال چنگا یا ماڑا جیسا وی میں پنجابی وچ لکھ سکیاں ایہ میں اپنے پڑھن والیاں دی نذر کر دیتا آں۔

پروفیسر ڈاکٹر شیخ محمد اقبال

0300-4489399

نہ عشق نوں لیاں لائیں

”حسن محبت تے خلوص دی آواز“ نہ عشق نوں لیکال لائیں

شاعر صرف قصا کو نہیں ہوتا جو گز رے سے دے واقعات نوں پانی دج مدھائی
پھیر پھیر کے سنا دے۔ شاعر اخباری رپورٹر یا میڈیا سکرپٹ رائٹر دی نہیں ہوتا جو کسی
اجوٹی خبر نوں مزج سارے مال بترکھا کر کے لوکاں تکرا پڑا دے۔ شاعر کوئی نبوی دی نہیں
ہوتا جو ستاریاں دی چال دے زانچے بنا کے چنگے یا منڈے مستقبل پارے دے۔ ہاشور
شاعر لا شعوری طور تے ایہ کجھ سوچا لکھدا تے بیان ضرور کرداے، پر صرف اشارے
کناے دی رمز دج تے استعاریاں دی دیوتاں مال میری لہس رائے دی چٹائی واثوت
ہاشور شاعر دے لہنا چا ضروریاں توں دی ملدا اے۔۔۔۔۔

بندا چاہوے تے کیہ نہیں کر سدا
مکھا، دیلا دی تھک توں تھک آنداے
راٹھا، تخت جڑاویوں ٹرے تے سکی
خُراں پٹھ سیالاں دا بھنگ آنداے

جگت مشہور پنجابی روایتی داستان ہیر رانجھا دے مرکزی کردار دے نیچے عزم تے
پکے ارادے نوں مثال بنا کے مشہور پنجابی شاعر استاد دامن نے ایہ شعراں توں کوئی پتیاہ
نشدہ درجے پہلاں آکھن تے لہس ویلے جدوں پروفیسر ڈاکٹر شیخ اقبال دے پنجابی شعر
پراگے نہ عشق نوں لیکال لائیں داکپوڑ سوسائٹیز نے آکھن تے استاد دامن دے
ایہ شعر میرے لاشعور دج کوئین لک پچھے سس تے میں پورے دھیان لیاں مال کہ سدا ہاں
استاد دامن نے ایہ شعر شیخ اقبال واسطے آکھن تے۔ پروفیسر ڈاکٹر شیخ اقبال دے زندگی سفر
چوں چالیہ دھیاں دا چشم دیکھ کوہون پاروں میں ایہ گل صرف آکھ دی نہیں سگوں سو فیصد

نہ عشق نوں لیکال لائیں

چٹائی مال تسلیم دی کردا ہاں کہ فکر تے عمل سرمدی شیخ اقبال زندگی دی نگین تے نگین
داستان دا اچھا عمل رانجھا اے جوں اکھیاں راہیں حیاتی دی ہیر سلیٹی دے درشن بھاویں
نصیب نہیں ہوئے پر ایہہ اپنے سن دی بصیرت مال حیاتی دی ہیر دی سندرنا دے دکو دگی
لٹکارے اک دانئیں سیکلے واریں دیکھے نیں۔ زمین توں بہت دوا کولا ہو کے بیکر
سورج لہسوں چائن دھڑے تے ایہ ایڈی دوی گل نہیں لہس توں بہت دوا کارنا (اکا
معمولی جی شے ہو کے) اپنے آل دوا لے نوں ریشیاں دے جتن کرن والا بھگوانجام دیندا
اے۔ دھن بھاگ شیخ اقبال دے کلمہ ہاں دی زندگی اچھے جتن کردیاں گزروی پئی اے۔
اک سکول ماسٹر دے گھر جنم لین والے شیخ اقبال مال زندگی نے کجی عورتوں ہی پتھر
دل بھر جائی درگا دوتا رانج دیتا کہ لہس لوکڑے جے رانجھے دی اکھیوں چائن کھوہ کہ لہس
نوں انصاریاں راہواں دے دس پاتا سی۔ کوئی تھوڑا لاری ہوتا تے انصیرے پینڈیاں
دے تھکھو جھلیاں دج کواچ کے مٹی مال مٹی ہو گیا ہوتا پر شیخ اقبال نے
انصاریاں نوں روشن کرن والا اپنے سن اندر عزم تے حوصلے دا اچھا بھرواں جچ پھلایا جیدی لو
تے کجھ نوں رہنما بنا کے لہناں نے دیا شتی کشتی مال ویلے دے چھماں چوں
لگھدیاں عمل دے نیلے اپڑ کے کُنن دی ہیر سلیٹی دے درشن پان نوں اپنی منزل سمجھ
لیا سی فکر تے عمل دے لہس رانجھے نوں دی لڈھاں تے مولویاں جے کئی سماجی کرداروں نے
کراہے پان دی کوشش کتن ہو دے گی میں جان دا ہاں کہ چنگے چو کھے نمبریں مال ایم
اے اُردو تے ایم اے انگلش کرن توں بعد ڈاکٹریٹ دی ڈگری لے کے تے فیر تریہ
دھیاں تیکر کالج تے یونیورسٹی دے طالب علمان نوں مہربان استاد طور پڑھا کے شیخ اقبال
نے ماسٹر فکھماں والیاں دے لہس سانج دج اک نویں مثال قائم کیتی سگوں اپنی
جدوجہد تے احساس دے دشن اک سماجی کیو کردار (گلاں گلاں دج کول گچے تن والے

نہ عشق نوں لیکال لائیں

سرکودھے دے مشہور اک پروفیسر تے پرنسپل) دے ایس ہیکار نوں وی غلط ثابت
کیتا ”بیٹائی سے محروم شخص نے کیا پڑھنا اور کیا پڑھا ہے“ ایسی نہیں سگوں پروفیسر ڈاکٹر شیخ
اقبال نے اپنی اولادوں دی چنگا چو کھا پڑھ لیا۔ ایس توں علاوہ حق حلال دی کماٹی مال بیٹائی
توں محروم لوکاں دی تعلیم تدریس تے خدمت وادارہ سفید چھری مرکز قائم کر کے ادبناں
نوں سانج دے سفید شہری باندن واسا جی جہاد کر دے پئے تھیں۔ ادب سرا دین شیخ اقبال دی
فکری جاگرتی نعت کوئی اردو شاعری انگلش شاعری، انگلش کلاسیک معلومات دے تراجم
تے نثری لکھتاں دیاں شائع شدہ ڈیٹا ہڈ جرن کتاباں توں ثابت ہو چکیں ہوئی اے۔

ایس پر اگے دی شاعری سرا دین کجھ آکھن توں پہلاں شیخ اقبال پارے ایہ ذاتی
گلاں کھنن دا مقصد ایہناں دی شاعری دی ایس صفت نوں نمایاں کرنا اے کہ ایہناں دے
کسی شعر وچ ”بے ہمتی، قصور و نا پوی“ تے دنیا داری دے فنی رویے دی کوئی گل نہ گلا اٹھاتا
نہیں ملدا۔ اردو شعر پر آگیاں راہیں سائنس آئن والی ایہناں دی شاعری بھریاں سوچاں
تے شکستہ بیانیات دا کن موہتا مصل دتا اے جہدے اک اک مصل چوں اُتھدیاں محبت
تے مہربان نشید دیاں لہناں پڑھن دایاں دے سناں نوں مہکاندیاں تھیں۔ ایسے کارن
پچھلے کئی دھریاں توں شیخ اقبال نوں پنجابی شاعری کرن لئی پیر دا رہیا ہاں پروفیسر
میاں احمد شاد دی پنجابی غزل شیخ اقبال نے ہمیشہ پسند کیتی پنجابی شاعر ایش کیانی چاچر
سرکودھے رہیا ایہناں دے کن اندر پنجابی دی محبت چنگا داریاں کہانی کارنیم اقبال یعنی
مال دی شیخ اقبال نوں خاص اُنس اے کیہ سارے فکٹر جہادیں شیخ اقبال لئی پنجابی کھنن دے
حرک بے ہون گئے پر اصل گل وارث شاد دی گل تے ہی نکدی اے وارث تہاں دے
باغ خلوب اندر پنجابی دا مکھا باغ تے شیخ اقبال دے کن اندر پیپلوں توں لکھا ہویا کی پھل
محل بن بکھرے تھیں۔ نہ عشق نوں لیکان لائیں داسودا پڑھ کے عینوں بہت خوشی ہوندی

نہ عشق نوں لیکان لائیں

پئی اے کہ حیاتی دے پنڈے دا ایہ باعزم را تجھ اُنس پنجابی شاعری دی ہیر دے پیلے مکر
اُتھیا اے۔

نہ عشق نوں لیکان لائیں شیخ اقبال دا پہلا پنجابی شعر پر اگے اے۔ مادی زبان اردو
ہون وچوں ایہناں دے شعراں وچ پنجابی دا شہری لہجہ زباناں نمایاں اے ایس پر اگے دیاں
غزلاں نظماں وچ کسے قصاویں قسطے دا رنگھلاں دی نظر نہیں آندیاں۔ سادے اکھراں تے
سدھے مصرعیاں وچ دل نوں چھوہن والا احساس نوں ٹھکان والا تے من نوں موہن
والا شاعرانا اظہار اے جہدی سادگی وچ تھپن تے سچائی دے جھلکارے موجود تھیں۔ ایہنا
ہونا کوئی انہونی گل نہیں کہ شیخ اقبال آپ دی سدھدا تے سچا انسان اے۔ ایہدے ظاہر تے
باطن وچ کوئی تضاد نہیں، فکر تے عمل وچ کوئی ڈیجھڑ تا نہیں۔ میں سمجھدا ہاں ظاہر باطن تے
فکر عمل دی ایسے اکساہرتا تے شیخ اقبال نوں عملی زندگی وچ کامیاب انسان دا روپ دین
دے مال ہال باشعور شاعر دا منصب دی عطا کیتا اے۔ شاعر یا شاعری بارے گل کردیاں
میرا متوقف بیٹھا ایہ رہیا تے شاعری کسے دی ہووے شعر کوئی دی ہووے اپنی تفسیر
آپ ہوندے ایہناں دی تفسیر کرن لئی قطعاں دے لٹا۔ نے کھولن توں میں ہمیشہ گریز
کر دیاں پر ایس پر اگے دی پنجابی شاعری وچ عینوں کئی قصاویں سادگی دے اوٹھ توں
جھاتا مادی سوال تے سندھد رت نے اپنے وٹے کھچیا اے۔ جویں کہ ایہ شعر۔

ہیری آندی اے فیر آ کے فخر دی جاندی اے

حیاتی روگ باندن دی کوئی لوز نہیں

اودہ آپ سوہنا اے ہر شے نوں سوہنا کردے گا

ایہ کنڈھاں بوجے سجادن دی کوئی لوز نہیں (ص ۱۷۷)

میںوں مال تے جان دی پیارے نیں پر بوجا گھولا رکھتا واں

نہ عشق نوں لیکان لائیں

جہڑا جان تے مال دا مالک اے اودھ پھیرا پاوے کدے کدے
مینوں ہور تے کوئی خوف نہیں میں پتھر ہونوں ڈرنا واں
کوئی رزم لگاوے کدے کدے کوئی پتھر چلاوے کدے کدے
(ص ۸۵)

میں مٹھلاں دا مٹھاری آں مری چند جان دکھری اے
میں اکھراں دا کھڈاری آں مری چند جان دکھری اے
کوئی تشخیص بی بی جی کوئی خیرات باؤ جی
میں چاہت دا بھکاری آں مری چند جان دکھری اے
(ص ۵۵)

ایہ کیہ بھینا، ادبی جہڑاں ادبی شاماں روز
ادبی جن تے ادبی تارے ادبی مٹھل تے مٹھل
ادبی محبت ادبی نفرت ادبی کار دیہار
میریا بیا! اپنے فن دا کوئی کرشمہ ہور (ص ۸۳)

قدم قدم آتے ہوتاں دے ہاریاں دی لوڑ جھدی مجھوری ہووے فیروں اودھ لیس لوڑ
نوں اپنے لئی سکوڑ سمجھتے تے اوں دے ضمیر دی جاگرتی سلاہتا دی حق دار ہوندی
اے۔ جھدے آون دی آؤ یک رکھے پراں دے سواکت نوں ایہ سوچ کے توبے ہاریاں
سچاؤن دی کھچل نہ کرے کہ آون والا آپ اینا سوہتا اے کوئی سچاؤن ادبی سندرتا
سایہ جیہت نہیں رکھدی ایہ سوچ محبوب دے حُسن توں زیا دا شاعر دے ہاٹنی حُسن دی
ترجمان اے۔ مال تے جان کہوں پیار نہیں ہوندے پر شیخ اقبال اپنی چند جان دے
مالک دی آؤ یک دھج اٹھے پہرا پتھلا رکھدا اے پتھر ہونوں ڈرنا دا شاعر اپنے محبوب دلوں

نہ عشق نوں لیاں لائیں

آندے پتھراں توں لگدے مٹھلاں نوں پسند کر دے ایہ سوچ مٹھن دی بہت قدر جھگ
اے۔ حال سے جدوں ہر کوئی اپنی اصلیت دا کو پھلکا دن لئی بہرہ وپ دنا پھردا اے اپنے
اندے لے پتھراں واکن جھگ اکھار کرنا پڑی ادبی تے جرأت والی گل اے مٹھلاں دا مٹھاری
ہونا اکھراں دا کھڈاری ہونا چاہت دا بھکاری ہونا کوئی جرم نہیں پراں سارے ایہ بھگ
ہوون دے باوجود لبہ اقرار کرن توں ڈر دے ہاں شیخ اقبال ایسے متافض سانج دھج
دے چھپے ان جھگ اکھار تے پتھراں سلاہتا واقع دارے۔ روز دیہاڑاں پتھراں
شاماں مٹھلاں نفرتاں تے کار دیہار دی اکسہارتا توں اکسہارے رب سائے کی
نویں کرشمے سوال کرے تے اوں دے شعور دا آدمان کیٹا جانا چاہیدا اے۔

نہ عشق نوں لیاں لائیں دھج اقبال کی فکری نوکھٹا دے ہور دی کئی کچھ نہیں پتھر
اودھ گل کہ مینوں لفظاں دے لفظاں بنا پند نہیں۔ عشق تے شاعری دی مٹھک دا
سواہتاں دھج گھب کے لڑا جاوے تے سوادود دنا تیتا ہو کے پُرس دینا اے پُرس ایہ
ضرور اکھاں گا کہ شیخ اقبال دی شاعرنا سوچ دے سارے ہی کچھ سوا دے نہیں جوین
جوین شمی ایہ پراگا پڑھدے جاوے گے میری رائے نال بہت ہوندے جاوے گے۔ حُسن
محبت غلوں تے انسانی قدراں دی دیکھائی دے کوڑھے جذبیال نال کھنسی شیخ اقبال دی
شاعری دا میں شروع توں ہی قدردان ہاں ایس دھجوں دی کہ اپنے دکھاں دے رونے
تے ہر کوئی روتہ اے پراپنے دکھاں دی حد توں اکا نہ دھک دے دوسریاں دے دکھاں دا
چارا کوئی ورلا ہی کر دے۔ شیخ اقبال دے ایس پنجابی شعر پراگے دی شاعت دھج میری
ڈھیر بخشی دی شامل اے۔ ایہ پراگا پڑھ کے میں یقین نال اکھ سکدا ہاں زندگئی دی رنگین
تے سنگین کہانی دا ایہ باعمل رانجھ نہیں پنجابی نیلے دھج اپڑ کے شاعری دی ہیر سیان دے
رنگے چٹکے تے بہ کے نرمل تے قلم و نعلی چوں معلوم تے نرملیاں ناٹاں کھیرن دی منزل

نہ عشق نوں لیاں لائیں

اُتے اُڑ گیا اے۔ میں جان دہاں ایس منزل اُتے شیخ اقبال ایویں سکھلا جہاں نہیں اپنیا۔ نہ
عشق نوں لیکان لائیں دی اشاعت واساکت کردیاں میں آں رکھدا ہاں کہ جو میں
جو میں پنجابی شاعری دی ہیر سیان شیخ اقبال نوں اپنے رنگے درشن دان کردی رہوے
گی اُنہاں دی پنجابی شعر و محلی دیاں تاں ہور سر پلایاں تے من موہیاں ہوندیاں جان
گیاں۔ واقعی اُستاد دامن ہوراں بچ آکھیا سی۔۔۔ رانجھا تخت ہزار یوں ٹرے تے سکی
جُراں پھسلاں دا جھنگ آوند اے۔

اخلاق عاطف

صدر مجلس میاں محمد۔ ضلع سرگودھا

0302-3303463

نہ عشق نوں لیکان لائیں

پروفیسر ڈاکٹر شیخ محمد اقبال۔۔۔ دیکھے خیالاں دا ونجارا

پروفیسر ڈاکٹر شیخ محمد اقبال ایم اے انگلش، ایم اے اردو، ایم فل، پی ایچ ڈی،
پاکستان ایسوسی ایشن آف دی بلائینڈ دے صدر، نثر، نظم، تنقید، شاعری ہر میدان دے
تار و عوام تے حکومت دلوں بڑے بڑے اعزازات وصول کرن والے، وسیع علم دے
مالک، ڈھیر تجربہ کھن والے، بیاں بیاں رُجھاں تے ذمہ داریاں نوں قابل فخر اعزاز
نال بھان والے، علم تے دانش دے ایس وسیع تجربے نوں اپنی شاعری دچ ڈھان دل
دی ٹپے نہیں۔ اوہناں دے ایس کلام نوں تک کے ایہ نپا پند اے جے اوہ پنجابی
شاعری نوں اپنی طبیعت نال مالا مال کر رہے نہیں۔ ایڈی دوی شخصیت دا پنجابی شاعری
دل تہیہ دینا پنجابی ادب لئی اک سرمایہ تے ایس ادب دچ خوبصورت داہا
اے۔ اوہناں دے سارے کلام نوں پڑھن توں بعد کسے دے گمان دچ دی ایہ گل نہیں
آوندی پئی ایس بصیرت اُردو کلام دا مالک ہمارے توں خردم اے۔ ایہ زمانے دے
لوکاں دیاں بند اکھیاں نوں کھلن والا، دلاں دیاں گہرائیاں دچ اُترن والا شاعر اے۔
ایہدے شعراں توں ایہ لہندا اے۔ جے ایہدے سینے اندر آگ دا اک سمندر
اے۔ ایہناں دا توں بصیرت عام ہو جاوے تے انساناں دے سارے دکھ تک جان۔
ایہناں دا کلام کسے سرتی پاؤڈر، کریم تے کسے میک اپ دے سامان دا محتاج
نہیں۔ ایہدے دچ ساریاں خوبیاں کسے زیور دیاں محتاج نہیں۔ سادہ پرکشش، ہمدون

نہ عشق نوں لیکان لائیں

مٹھا، رواں دواں عوام تے خواص وچ یکساں مقبول۔ اوہناں کول آج دے انسان تے
معاشرے دا شعور اے۔ اوہ دے دل دی آواز اے۔ اوہناں دی فکر مضبوط، عوامی رنگ
مطالعے دی گہرائی تے عوام دے دلاں دی پکار۔ اوہ دیکھ راکھ نوں مہارناں ٹھنڈا کر
کے پیش کر دے نیں۔ اوہناں دا لہجہ ٹوٹکا اے۔ اوہ انقلابی روح دے مالک نیں تے
سمندر دی لہراں والی تڑپ رکھ دے نیں۔ عمل دے پرچارک نیں، بلند نظریات والے
مظلوماں دے سچے بہرہ صیرت دے مالک، سچائی دے علمبردار، اُچیرے سوچھ وان
ہن۔ ایسے تعارفی کلمات وچ جوہر دے دھوے کیسے گئے نیں۔ اوہناں دی دیکھ دے طور
تے مونہ کچھ شعراں دا حاضر اے۔

حضور نال پیار تے اسوہ حسنہ دا بیان ملا حلقہ ہووے۔

قولاں دی روشنی پکے عملاں دی روشنی

تھاں تھاں تے روشنی اے رسالت حضور دی

دنیا نہ پوہ پوہ تے چند رو لدی پھرے

رکے نظر دے سامنے سیرت حضور دی

صفتی رسول تارے کہندے نیں۔

لکھاں ہزار بادشاہ سر تے مرے سوار

لکھ شکر میرے دل تے حکومت حضور دی

ناسیدی توں دور حوصلے نال بھر پور مستقبل دل ایس طرحاں بلانے نیں۔

جے ڈگ پئے آں مری جان! اُنھ دی جاواں گے

اسانوں حوصلے ڈھانوں دی کوئی لوڑ نہیں

اک دو جی تھاں تے دو بچا انداز وچ کہندے نیں۔

ساد ایس اُمید تے قائم نیں

کوئی آند اے کوئی آند اے

بصیرت دل ایس طرحاں دھیان دواندے نیں۔

ایہ اکھیاں بنیاں نوٹن نوں

بھرا دیکھی جاندا کمال اے

بلند خابشاں دے خلاف۔

سدرہاں مار مکایاں اے

سقییاں ڈھیر ستلیا اے

عاجزی تے اکساری:

میں اینیاں ساریاں لکھتاں وچ

کوئی گل سیانی لکھتاں واں

حب الوطنی:

برسات دی آندی جاندی اے، بول دی گجھ دے وجدے نیں

مری درھیاں سڑدی دھرتی دی کوئی تریہ بچاؤ کدے کدے

حقیقت بیانی:

کتاباں نال اپنا دل سدا پرچائی رکھتاں واں

میں کج ہساں میں کج روواں نہ فرصت اے نہ ہمت اے

پنجاب دے رکن بہن دا حالہ:

کدے کچا کوٹھا وٹا ایں
کدے بلیخ بخارا گلٹا ایں
میںوں دشمن کسراں لہندا، بے لہندا تاں کج وندا
مرا دشمن ہی ماں چلیا میں کہوں دساں
غزلاں توں اڈ ڈاکٹر صاحب نے نظماں وچ دی اختصار تے چٹنگی واکمال
دکھلایا اے۔ نظم ”کڑی چادو دی پٹی“ ملاحظہ ہو دے
اک کڑی دا حال ہی بچھیا
اودہ نہ بولی کجھ
”پچھدا پچھدا حال میں اودہا
بھل گیا اپنا حال
”خالی بھولی“، ”یاراں نال بہار“ تے ”با کجھ ہوڑ“ سادہ تے جامع نظماں
نہیں۔ روزمرہ سادگی تے بے ساختگی۔
مرے کولوں نگھ گئی لاری میں بیٹھا ویندا رہ گیا
سب بہ گئے وارو داری میں بیٹھا ویندا رہ گیا
دل کافر، پیار دی جھگی، ایہناں نظماں وچ ایہہ موضوعاں تے اپنے پختہ
نظریات دے میں۔ زندگی گزارن بارے شکلاں دا تذکرہ۔
اقبال سمندر جنڈی وچ
ڈب ڈب کے ترنا چنیدا اے

نہ عشق نوں لیاں لائیں

پھرشاد اکھیا، کیہ جاناں میں کون، ڈاکٹر صاحب کہندے میں۔
چڑھا دن میںوں سوئی تے بیٹھے قاضی جی، ملاں جی
نہ توری آں نہ ناری آں، مری چند جان دکھری اے
قولاں دی پکپائی دا رنج اعلان کردے میں۔
جاندی اے جان تے جاوے
توں اپنا قول بھادیں
تقریر تے وصل دی کیفیت دا بیان۔
تیری یاداں دے بچل مہکن میں جا گزار کیہ کرنا
مرے گھر وچ بڑی روٹن، میں جا کے باہر کیہ کرنا
دل اوں دا آہتا اپنا جدوں آوے جدوں جاوے
اسیں آں پیار دے بچھی اسماں بن پیار کیہ کرنا
دوہے دؤے شاعراں دا انگوں تھلی دا انداز اناج اے۔
میرے گیتاں دیاں دھماں مرے شعراں دے چ۔ چ۔ سن
عجب جادو جگاندا ساں، نہ بن اودہ دن نہ اودہ راتاں
زندگی چٹان دی طراں گزارن بارے کہندے میں۔
ککھاس دی اوقات کیہ یارو
داء دا مٹلا چٹک کے لے گیا

نہ عشق نوں لیاں لائیں

دیکھ پڑھا کو پچھے رہ گئے
بے استاد نمبر لے گیا

اسے کلام دے دیا دی حالت کتنی ہوئی اے۔
ادبیتاں دے چھیاں دی ایہ حالت کتنی ہوئی اے۔

تن دے اندر تندہ بھکھدا اے
قہر آکھاں کہ پیار کیہ آکھاں

مکدی گل اے، پڑھ لکھ تے دانشور دا پنجابی شاعری دے عصری شعور تے
گہرائی والی گلاں نال خوبصورت اضافہ مارک بادا مستحق اے۔ ایہناں دی شاعری
کتابی صورت دے رُفِ شمع منظر و زیر آبادی، زاہد نواز تے دوجے ایس عہد دے پنجابی
شاعراں دے نال قدم قدم ٹر دی اے۔ ادبیتاں دی کتاب تے کلام بارے توقع اے
تھا دھڑات ایہناں دے اچھے معیار نوں تسلیم کرن گے۔

سید اسلام شاہ (مرحوم)

سابق ڈپٹی کنٹرولر ریڈیو پاکستان لاہور

اک انجی شخصیت و اتعارف بہجہری تعارف دی محتاج نہیں

پروفیسر ڈاکٹر شیخ محمد اقبال بوری 15 مارچ 1945ء نوں یعنی پاکستان بنیں
توں دو سال تے تقریباً 5 مہینے پہلاں شرقی پنجاب (بھارت) دے مشہور ضلع کرنال
دے پیدا ہوئے۔ مڈھلی تعلیم عام سکول توں حاصل کیتی۔ فیر رب سچے دے حکم تے حکمت
نال آپ دی نظر جاندی رہی پر ادبیتاں اپنی ہر طرح دی جدوجہد نوں جاری رکھیا۔ جیویں
علامہ اقبال بوری فرماوندے نیں۔

ظاہر کی آنکھ سے نہ تماشا کرے کوئی

ہو دیکھنا تو دیوے دل وا کرے کوئی

مطلب ایہ کہ ادوہ اکھاں توں تے دا نچے گئے پر ادبیتاں دل دیاں اکھاں نوں کھلیاں
رکھیا۔

ڈاکٹر شیخ محمد اقبال بوری دا تعلق اک معزز تے پڑھ لکھے خاندان نال
اے۔ گل کیہ علم ادبیتاں نوں گڑھتی دے ملایا اے۔ ادبیتاں دے والد بزرگوار شیخ اللہ دیا
صاحب بوری دا تعلق محکمہ تعلیم ہال سی اوہ کورنٹ ہائی سکول خوشاب تے کورنٹ ہائی
سکول سرگودھا دے پڑھاؤندے رہے نیں۔

پروفیسر ڈاکٹر شیخ محمد اقبال صاحب بوری کامیاب ازدواجی زندگی بسر کرے
نیں۔ ادبیتاں دا اک پتر تے دو دھیاں نیں۔ ادبیتاں اپنے بالوں نوں اعلیٰ تعلیم دوائی
اے۔ ادبیتاں دا پتر تابش اقبال اک ملٹی ٹینشل کینی پاکستان سینٹ فیلٹری دے بطور

سینئر فیچر کم کر رہا ہے۔ ادبیتاں دی اک وی کوکب اقبال کو غنٹ کا لچ کوٹ
 رادھا کشن ضلع قصور وچ انگریزی پڑھاندی اے تے دوجی وی کشور اقبال سا بیوال ضلع
 سرکودا وچ انگلش دی استاد اے۔ پچاساں توں وکھ ادبیتاں دی نگیم جتہ مد نگیم اقبال ہوراں
 دی ڈاکٹر ہوراں دا پورا پورا ساتھ دتا اے۔ اپنے قریبی عزیزاں دی مخالفت دے باوجود
 نگیم اقبال ہوراں اپنے والدین دی لچ پالندیاں ہویاں نہ صرف ایہہ کہ اک ناچیا شخص
 نال شادی کیتی گئی ہر مقام تے ڈاکٹر ہوراں دا ساتھ دتا۔

پروفیسر ڈاکٹر شمس اقبال ہوریں اعلیٰ تعلیم یافتہ نیں۔ ادوایم اے انگلش، ایم
 اے اردو، ایم فل (کولمبیہ لیسٹ) پی ایچ ڈی، سابق پروفیسر سرکودا یونیورسٹی، سابق
 پروفیسر پنجاب یونیورسٹی لاہور، صدر پاکستان ایسوسی ایشن آف دی بلائینڈ ضلع سرکودا،
 صدر تھنکرز فورم فار سوشل اپ لفٹ لاہور ڈسٹرکٹ، بانی تے مدیر اعلیٰ ماہنامہ
 ”منیڈ چھری“ پروفیسر ڈاکٹر شمس اقبال ہوراں پچاساں توں وکھ دی رنگ برنگیاں شکلاں دا
 سینڈ وھا دے مقابلہ کیتا تے اپنا تعلیمی سفر جاری رکھیا، وغیرہ۔ لہا چیاں اچیاں پوزیشناں
 حاصل کیتیاں۔ ادوایم انگریزی وچ ایم اے کرن دا لے پہلے ناچیا شخص نیں۔ مانییاں وچ
 پہلے لیچرار ہون دا اعزاز دی ادبیتاں نوں حاصل اے سرکاری تے غیر سرکاری اداریاں
 دلوں ادبیتاں نوں انعام تے اعزاز دی ملی لست اے۔ چند انعام تے ایوارڈ جھلے دتے
 جاندے نیں۔

1- ساڈنک وچ خدمات۔ صدارتی ایوارڈ

2- سماجی خدمات وچ پنجاب سوشل سروس ایوارڈ

3- پاکستان سوشل ایسوسی ایشن دلوں ستارہ تاج

نیشنل نوں لیکان لائیں

- 4- یکسر دیش وٹیر سوسائٹی دلوں نیشنل خدمت
 - 5- انجم آرٹ سوسائٹی دھام آرٹ سوسائٹی دلوں پنجاب انجم ایوارڈ
 - 6- ایڈیٹر کونسل سرکودا دلوں تن ایوارڈ (شیلڈ، کولمبیہ لے تے شاپن ایوارڈ)
 - 7- پنجاب یونیورسٹی ہور دلوں تن شیلڈاں
 - 8- کورنٹ کالج سرکودا دلوں شیلڈ
 - 9- قائد اعظم لاء کالج سرکودا دلوں شیلڈ
 - 10- برائنٹ فوچر سوسائٹی ایس اے فاؤنڈیشن ہور دلوں قائد اعظم کولمبیہ لے
 پروفیسر ڈاکٹر شمس اقبال ہوراں دیاں چھیاں کتاباں دا دیر دا۔
- (۱) سالن تیشا لب (۲) سوالیہ نیشنل پریلائیٹ نیشن (۳) سوالیہ نیشنل دا دو جلائیہ نیشن (۴)
 اک ہم سفر اچھا لگا (۵) خلاوت دل (مجموعہ حمد و نعت)، (۶) Love's no
 crime (۷) جان ڈن شخصیت اور شاعری (۸) جان کینس شخصیت اور شاعری
 (۹) ذوق تماشا (۱۰) جہان مد و پردیں (۱۱) دیہہ دل (۱۲) کب رات بسر ہوگی
 (۱۳) آشوب آگئی (۱۴) یہ کافر دل نہیں مانا۔۔۔ ادبیتاں دیاں ۹۵۸ کتاباں چھپن لئی
 تیار نیں پروفیسر ڈاکٹر شمس اقبال ہوری اردو تے پنجابی دے سنے پر سنے شاعر نیں، چند
 مثالاں حاضر نیں۔

ہمت کو زندگی کا ترانہ بنا کے جی

ہر غم کو قہقہوں کا نشانہ بنا کے جی

اقبال اور بھینا ہے دو چار دن اگر

انسانیت کو ایک گھرانہ بنا کے جی

نیشنل نوں لیکان لائیں

۱۔ میری سوچوں کو بیٹائی عطا کر
 میرے جذبوں میں رنگِ زیت بھر دے
 میں رخِ موسم میں جم جاؤں نہ یارب
 میرے قلب و نظر میں آگ بھڑکے
 ۲۔ ہو ارادہ تو منزلیں آسمان
 راستوں کی کمی نہیں ہوتی
 ۳۔ تیری نگاہ سے دیکھیں گے زمانے کو
 ہمیں تو اپنی نگاہوں پہ اعتبار نہیں
 صبا کا فیضِ نظر ہے کہ مسکراتے ہیں
 گلوں کو کوئی تبسم پہ اختیار نہیں
 ۴۔ جذبوں میں کسی چیز کو حائل نہ سمجھتا
 مشکل بھی کوئی آئے تو مشکل نہ سمجھتا
 جو آنکھ کہ غمِ ناک نہ ہو آنکھ نہیں ہے
 جو دم سے خالی ہو اسے دل نہ سمجھتا
 ۵۔ ارادہ میرے بس میں تھا ارادہ کر لیا میں نے
 کھسا ہے کیا قدر میں یہ میرا دردِ سر کیوں ہو
 پروفیسر ڈاکٹر شیخ محمد اقبال دی اک لٹریچر دے چہ شعر
 یہی لکھ سہانے ہیں تمہیں جانے کی جلدی ہے
 یہی اپنے زمانے ہیں تمہیں جانے کی جلدی ہے

ابھی تم نے پریمی ہیں آنکھ کی دو چار تحریریں
 ابھی دل کے فسانے ہیں تمہیں جانے کی جلدی ہے
 ابھی کلیں کے ہوتوں پر تبسم کی لکیریں ہیں
 ابھی گل مسکراتے ہیں تمہیں جانے کی جلدی ہے
 مجھے تم سے لپٹ کر زندگی کی شام کرنا ہے
 بڑے آنسو بہانے ہیں تمہیں جانے کی جلدی ہے
 تمہاری شاخِ رعنائی پہ فن کے پھول کھلنے ہیں
 مجھے کچھ گیت گانے ہیں تمہیں جانے کی جلدی ہے
 تمہارے حسنِ فنِ فردوس سے کچھ کام لینے ہیں
 ہنر کچھ آزمانے ہیں تمہیں جانے کی جلدی ہے
 میں اپنی گل باتوں پروفیسر ڈاکٹر شیخ محمد اقبال ہوراں دے ایس شعر اُتے ختم کرنا
 واں۔ او فرماندے میں۔

جتنی کاٹو جتنی خوشی کاٹو
 زندگی ہے سزا نہیں ہے

راجا رسالو (مروج)

سابق آفس سیکرٹری پنجاب رائٹرز گلڈ۔ لاہور

نعتِ رسولِ مقبولؐ

میں نعت لکھ رہا ہوں عنایتِ حضورؐ دی
میں راہ تے ٹر پیا ہوں محبتِ حضورؐ دی

قولاں دی روشنی، کہتے عملاں دی روشنی
تھاں تھاں تے روشنی اے، رسالتِ حضورؐ دی

دنیا نہ بوسے بوسے تے جندِ رولدی پھرے
رکھے نظر دے سامنے سیرتِ حضورؐ دی

اے عشقِ تماشا دیکھی بیٹھے آں
سانوں نہ مہن چار راہجھا جھلا سی

لکھاں پزار بادشاہ بر تے مرے سوار
لکھ شکر میرے دل تے حکومت حضورؐ دی

اک نعت میں وی لکھ لواں قسمت بنا لواں
ہر دور دی زبان تے مدحت حضورؐ دی

o

دل نت ترپاغا کلا اے
خوڑے کیہ چاغا کلا اے

ای م توں اٹھن والے نہیں
اوہ روز اٹھاغا کلا اے

اساں سیانے بن کے کیہ لینا
جہڑا شہر چاغا کلا اے

سورج نوں مت کیوں آئی نہیں
مشرق نوں جگاغا کلا اے

ساہ کچڑا لیراں لیراں اے
تن اے ہنڈا کلا اے

ایہ اکھیاں بنیاں نوٹن نوں
چہرا دیکھی جاند کلا اے

جہناں گیتاں نوں کوئی سن دا نہیں
دل من وی گندا کلا اے

o

سدھراں مار مکایا اے
سفیاں ڈھیر ستایا اے

بے دردی نوں دل دے کے
کیہ کیہ روگ لگایا اے

سفیاں چٹھی پائی اے
یاداں د کھڑکایا اے

رکن من رکن من تنجواں دی
چندڑی دا سرمایا اے

غم تے میرا بھائی اے
غم تے ماں دا جایا اے

آساں ہجر ہمیری وچ
دوہوا جہا جلایا اے

وکیہ بُہاں دی پوچا نے
میتوں بُت بنایا اے

o

کدے مٹھل کے پھیرا پا جتا، کدے آ جتا، کدے آ جتا
نیاں دی پیاس بجھا جتا، کدے آ جتا کدے آ جتا

میں اُجڑیا بکڑیا رہتا واں، کدے اٹھنا واں کدے ڈھینا واں
مرے اُتے ترس دی کھا جتا، کدے آ جتا کدے آ جتا

ہوراں نال اٹھدا بہتا ایں میتھوں غصے غصے رہتا ایں
کیہ میتھوں ہوئی خطا جتا، کدے آ جتا کدے آ جتا

جندڑی پئی ہاواں بھر دی اے حسرت پئی دل وچ مروی اے
عراں دا روگ نہ لا جتا، کدے آ جتا کدے آ جتا

سوکھے دن سارے نک گئے نیں، ہن سارے ہاے زس گئے نیں
ہن کون اے ترے ہوا جتا، کدے آ جتا کدے آ جتا

o

میںوں جتاں اِنج تر قایا، میرے سارے ہاے نک گئے
اوہ کدے نہ نو کے آیا، میرے سارے ہاے نک گئے

میرے سارے دیوے بچھ گئے، میرے سارے جتن کھنچ گئے
میںوں کہڑی تھاں پرٹایا، میرے سارے ہاے نک گئے

میں سارے جگ دا واسی، اُڑ دا ساں پکھواں وانگر
میںوں عشق نے چھا لایا، میرے سارے ہاے نک گئے

میں عشق دے سارے ہلے، ہر جا ہر ویلے بھلے
دل نے مینوں مار مکایا، میرے سارے ہاسے نمک گئے

ایہدی چھاویں ٹٹھن والیاں مینوں بلدیاں چپاں دیتیاں
میں کیہ پیار دا بوٹا لایا میرے سارے ہاسے نمک گئے

o

میں اس دھرتی نوں کنج دوتاں نہ فرصت اے نہ ہمت اے
میں اندر ایہدے کیہ بیجاں نہ فرصت اے نہ ہمت اے

سمندر میرا بھینا اے سمندر میرا مرنا اے
سمندر پار کیہ ویکھاں نہ فرصت اے نہ ہمت اے

میں اپنے آپ نوں سجنوں کتھائیں رکھ کے کھل بیٹھا
کوئی لہماں نہ کھچے ڈھونڈاں نہ فرصت اے نہ ہمت اے

نہ عشق نوں لیاں لائیں

نہ عشق نوں لیاں لائیں

کتاباں نال اپنا دل سدا پرچائی رکھنا واں
میں کنج ہساں میں کنج روواں نہ فرصت اے نہ ہمت اے

میں اکھراں دے حوالے کیتی جانا اپنے ہر دکھ نوں
کے غم خار دل نکاں؟ نہ فرصت اے نہ ہمت اے

کدے ایویں لارا گلنا ایں
جلے دا نعرہ گلنا ایں

کدے زم زم ورسا ہوندا سیں
ہن کھارا کھارا گلنا ایں

کیہ ہویا کرماں والیا دس
کیوں پیا کھارا گلنا ایں

میں ادھا ادھا دسنا واں
پر توں وی گزارا گلنا ایں

کدے کچا کوٹھا دسنا ایں
کدے بلخ بٹھارا گلنا ایں

توں مینوں اپنی چند ورگا
منگواں تے ادھارا لگتا ایں

توں جو کجھ ایں ہر اوکڑ وچ
جندڑی دا سہارا لگتا ایں

دس ہوو کیہ اکھاں تینوں میں
جند جان توں پیارا لگتا ایں

آس

جام لہاں تک آون تائیں
جھٹکائی جھٹکے
کھٹکائی کھٹکے

میں کناں ہو رہا ہوں تے آ جا
کدوں تک چند رولاں ہوں تے آ جا

ترے ہاتھوں میں ہر پائے اُٹھ رہے
سکھاں دا چن ویکھاں ہوں تے آ جا

کچے اکھاں دا تارا دُکھ نہ جاوے
میں تیں رنج کے ویکھاں ہوں تے آ جا

کوئی مے تے کوئی ترس کھاوے
کیویں زخماں نوں کجاں ہوں تے آ جا

ہزاراں خوف میرے دل دے اندر
مری لکھاں میں آساں ہوں تے آ جا

مرے جے دی نیندر میٹھوں رُس گئی
میں ساری رات جاگاں ہوں تے آ جا

ہر اک بستی تری یاداں دی بستی
میں کھتے جا کے وساں ہوں تے آ جا

میں تیرا پچھا کر دا ہف گیا واں
میں کئی دُور نساں ہوں تے آ جا

پریم نگر

سورج کلا جھلا شو ہدا

ساڈے کمرے جھاتیاں مارے

سانوں اٹھاوے

سانوں جگاوے

پریم دی ریتاں ایہ کیہ جانے

پریم نگر وچ دن تے راتاں اکو جے

مغاں گھنے سال مینے سب اکسارے

پریمی اپنی مرضی سوندے

پریمی اپنی مرضی اٹھدے

سورج کلا جھلا شو ہدا

پریم نگر دی رحمت کیہ جانے

پیار، پریم، پریمت کیہ جانے

نہ عشق نوں لیاں لائیں

o

میں پھلاں دا بچاری آں مری جند جان وکھری اے

میں اکھراں دا کھڈاری آں مری جند جان وکھری اے

میں اپنے آپ نوں آپے، ہسا لینا ، روا لینا

ہذا وکھرا مداری آں مری جند جان وکھری اے

حیاتی دی کسے وی کھیڈ وچ ہصا نہیں رتا

ہذا ویلا ونگاری آں مری جند جان وکھری اے

اڈیکال نے مرے دل وچ جہان آباد کیتا اے

ہراک محفل تے بھاری آں مری جند جان وکھری اے

نہ عشق نوں لیاں لائیں

کوئی بخشیش بی بی جی! کوئی خیرات باؤ جی!
میں چاہت دا بھکاری آں مری جند جان وکھری اے

چڑھاؤن مینوں سولی تے بھلے قاضی جی، ملاں جی
نہ فوری آں نہ ناری آں، مری جند جان وکھری اے

بُجھارت

میں بُجھ لئی سی اوہدی بُجھارت
فیراوہ بن گئی آپ بُجھارت
چھنے بُجھ لئی اوہدی بن گئی

کے نوں کیہ پتا وستا، مری بے گھر حیاتی اے
 نکانا لہ اے جاوے گا کدے، جیکر حیاتی اے

مرے اندر اے خائش دا دیوا جگمگاندا اے
 مرے دن رات نوکر نہیں مری چاکر حیاتی اے

اے وی سوہنیاں شکلاں نہیں مرے دل دیاں ویری
 مرا دل نچدا پیدا اے مرے اندر حیاتی اے

کوئی سندھ جیہا جین، میں سجنوں لہدا پھرنا واں
 بڑا سندھ اے چند سفتا، بڑی سندھ حیاتی اے

کدے انسان پینڈا کروا کروا تھک وی جاندا اے
 حیاتی پ وی جاندی اے کدے، آخر حیاتی اے

میں اپنے دھرم نوں تھان تھان تے گھم چائی پھرنا واں
 بڑے کلر تقاضے نہیں! بڑی کلر حیاتی اے

چنٹا چنٹا مہنگا پے گیا
ساڈا یارو بھٹھا پے گیا

باروں لہدے پوچدے رہ گئے
جھگھا ساڈا اندروں ڈھے گیا

لوکی جھولیاں بھر بھر فر گئے
میں خورے کیوں سوچی پے گیا

ککھاں دی اوقات کیہ یارو
واء وا بلا چک کے لے گیا

سُفنا

اوہ میرے دل نندی آئی

میںوں جاپیا سفتا یارو

سفتا نہیں سی

سفتا نہن گیا

وکیچے پڑھا کو چکھے رہ گئے
بے استاد نمبر لے گیا

چندے ہتھوں جندڑی پائی
اوبدے ہتھوں مرنا پے گیا

میں ہسدا ساں ہساندا ساں، نہ بنن اوہ دن، نہ اوہ راتاں
براک محفل سجانداں ساں، نہ بنن اوہ دن، نہ اوہ راتاں

جو میرے گیت سن دا سی اوہ بھل برغم نوں جاندا سی
میں غیاں ہار گاندا ساں، نہ بنن اوہ دن، نہ اوہ راتاں

مرے گیتاں دیاں دھماں، مرے شعراں دے جے چے سن
عجب چادو چگاندا ساں! نہ بنن اوہ دن، نہ اوہ راتاں

ہزاراں آکے بھندے سن، ہزاراں آکے سن دے سن
بڑے قہے سناؤ ساں، نہ بھن اوہ دن، نہ اوہ راتاں

ہر اک گل تے مرا پاسا نکل جاندا سی، کیر دن سن!
میں ہوراں نوں ہساندا ساں، نہ بھن اوہ دن، نہ اوہ راتاں

ایہ کیہ ہويا

وہیلدی جھولی اے خالی
باجے دا دے
سب کچھ لے گئے
ساڈے واسطے
سٹھنہ رہ گئے

کے تے جان لٹون دی کوئی لوڑ نہیں
کے نوں سر تے چڑھاون دی کوئی لوڑ نہیں

ہمیری آندی اے فیر آ کے فُر دی جاندی اے
جیاتی روگ بناون دی کوئی لوڑ نہیں

جے ڈُگ پئے آں مری جان! اُٹھ دی جاواں گے
اسانوں حوصلے ڈھاون دی کوئی لوڑ نہیں

ویلے دی لہر

میں بس انجائی و ہندارہ گیا

و ہندارہ گیا

و ہندارہ گیا

ویلا خورے کھمے ہ گیا

اک سفتا آن جگاندا اے
اک سفتا آن سواندا اے

ساہ اہس اُمید تے قائم نہیں
کوئی آندا اے، کوئی آندا اے

کدے دل نوں میں پرچانا واں
کدے دل مینوں پرچاندا اے

خشی دے چار دیہاڑے تے غم حیاقی وا
خشی وا جشن مناوان دی کوئی لوڑ نہیں

اوہ آپ سوہنا اے ہر شے نوں سوہنا کر دے گا
ایہ بوجے کندھاں سجاون دی کوئی لوڑ نہیں

کم کار کدے وی رُکدے نہیں
اک جاندا اے اک آندا اے

کیہ زخم سی سببوں ویلے دا
دل من تائیں کرلاند اے

کیہ بنیاں نیں دل کیلے نوں
کدے نچدا اے کدے گاند اے

o

تن پکھلایا سوچاں نے
من ترپایا سوچاں نے

میں دنیا نوں ڈھاندا ساں
میتوں ڈھایا سوچاں نے

مٹھی نیندر ستا ساں
آن جگایا سوچاں نے

من دھرتی وچ ترفن دا
بوٹا لایا سوچاں نے

ہر شے سندر سندر سی
پھٹا پایا سوچاں نے

سدرے وسرے جیون توں
مار مکایا سوچاں نے

دنیا اک قبیلا سی
تھیرا پایا سوچاں نے

دھڑکو

موت دا کوئی خوف نہ ہڑکو
موت نوں میں کیرہ جاناں
موت حقیقت، موت صداقت
ساریاں مر نک جاناں
غم تاں ایوے کنیاں گلاں اُن کہیاں رہ جاناں
کنیاں کتاباں بے پڑھیاں تے کئے کل اُن ڈٹھے
تے اوہ چہرہ، جلوے جس دے
میرے تن دے سونا چاندی ہیرے
میرے من دے کھینڈ کھڈونے
کدے نہ کھینڈ دا تھکاں
اوہ جانے کس تن وچ مہکے
من وچ کس دے لہکے

پیار دی جھگی

میں سوچدار ہنناں
کیسں اوہ دن
کیسں راتاں
جدوں اسی ساں پیارتوں وانجے
اوہوں اسی ساں ماں دُھ پیندے ہاں مایانے
یاستے ساں غاراں اندر لمی نیندر
فرانج ہو یا پیار دہارن کن وچ وجیا
لہورگاں وچ نسیا بھجیا
سانوں لگیا پیار دی جھگی دنیا ساری
ہن اسانوں کم نہیں کوئی
ہن اسانوں غم نہیں کوئی
آک دوہجے نوں رج تکیے
کھوٹ ذرا ندول وچ رکھے
سچا پیار کدے نہیں گھٹ دا
اپنی راہوں کدے نہیں ہٹ دا

نہ عشق نوں لیکیاں لائیں

o

اک دل پرچانی لہنا واں
اک ہن دی ہانی لہنا واں
دل ہوو تقاضے کر دا اے
میں ہوو کہانی لہنا واں
ماضی دی نبھیل ڈھیری چوں
اک خاص نشانی لہنا واں

نہ عشق نوں لیکیاں لائیں

مری مت توں جُرو کیہ ہو یا
کوئی دل وا ہانی لھنا واں

میں اپنیاں ساریاں لکھتاں وچ
کوئی گل سیانی لھنا واں

o

ای جی کے مترو کرنا کیہ
ہُن موت دے کولوں ڈرنا کیہ

جندڑی وا دریا سکھنا اے
ای ڈنٹا کیہ ای ترنا کیہ

ایہ جُھٹ میرے چن تارے نہیں
ایہناں پچناں نوں ہُن بھرنا کیہ

جو وچ میدانوں نِس ویندے
اوہناں چتا کیہ اوہناں ہرنا کیہ

ایہ قسماں وعدے جھوٹے نہیں
جو گجڑے نہیں اوہناں دہنا کیہ

اساں آپے روگ لوائے نہیں
اساں دوش کسے تے دہنا کیہ

o

اک کھیڑ تماشا جاپدا اے
سفنا دی ہاسا جاپدا اے

لیوے تے سقرے پائے نہیں
دل میلا میلا جاپدا اے

کدے ڈنٹا واں کدے ترنا واں
تھاں تھاں تے میا جاپدا اے

کوئی اپنا اپنا نہیں گدا
ایہ شہر تے اپنا جاپدا اے

شعر لکھے کیہ کفر کھلیا، مٹھکے مر گئے
اتھرو پونجے دل پر چایا مٹھکے مر گئے

روڑھ دتی اکھراں تے چندری کیہ مل پایا
ساڈے تے کچھ کم نہ آیا مٹھکے مر گئے

موڑ دھرم دی سٹے خیراں، شہراں پنڈاں
چچ پاروں ہر یار کھنچایا مٹھکے مر گئے

چچ بولن دی عادت سانوں لے کے پہ گئی
ساڈا سائیں گھر نہیں آیا مٹھکے مر گئے

کیہ سند کھڑا وکچے لیا
سند ہر کھڑا جاچا اے

چس گھر وچ مری حیاتی اے
ایہ بوبا اُس وا جاچا اے

لکھاں واری کچھی دیوی د کھڑکایا
لکھاں واری دل سجھایا کھکھے مر گئے

دولت رقبے عتلاں والے کھوہ کے لے گئے
ساڈے جھے سفتا آیا کھکھے مر گئے

رَیا کُجھ ہور

ایہہ کیہہ بینا اوہی فجر اں اوہی شاماں روز
اوہی چن تے اوہی تارے اوہی محل تے پھل
اوہی محبت، اوہی نفرت اوہو کار و بہار
میر یا رب! اپنے فن دا کوئی کر شامہور

اُنچ سوہنیاں شکلاں لکھاں نہیں، کوئی مینوں بھاوے کدے کدے
اکھیاں نوں بھاوے کدے کدے، کوئی دل پرچاوے کدے کدے

برسات وی آندی جاندی اے بل وی گجے وجدے نہیں
مری ورحیاں سڑدی دھرتی وی کوئی تریہ بجھاوے کدے کدے

مینوں مال تے جان وی پیارے نہیں پر بوہا گھلا رکھتا واں
جھڑا مال تے جان دا مالک اے اوہ پھیرا پاوے کدے کدے

خالی جھولی

اوہنے پچھیا،
”پیار کرن نوں وگڑیا ایں، پلے کیا اے؟“
من واسونا؟ تن وی چاندی؟
بچ دے سکے؟ حق دے ہیرے؟
”کھینچل نہ کر، کچھ نہیں لھتا!“

میںوں ہور تے کوئی خوف نہیں میں پتھر ہونوں ڈرنا واں
کوئی زخم لگاوے کدے کدے کوئی تیر چلاوے کدے کدے

کیہ جاناں کنج کھڑچ گيا اوہ ویلا سوہل حیاتی وا
جو ویلا سوہل حیاتی سی میںوں ڈھیر ستاوے کدے کدے

کیہ چندڑی حال بنایا میں کہوں کہوں دساں
مرے گجھ وی ہتھ نہ آیا میں کہوں کہوں دساں

کدے سدھراں زہر پیایا کدے سفنے لے کے پہ گئے
کس کس نے مار مکایا میں کہوں کہوں دساں

میںوں دشمن کسراں لبھدا، جے لبھدا تاں کنج دسدا
مرا دشمن سی ماں چلیا میں کہوں کہوں دساں

کدے کیجھ جھوٹھے وعدے کدے کھادیاں جھوٹھیاں تسماء
دل کویں کویں پر چایا میں کہوں کہوں دساں

میں جد وی کھولاں ہٹی مرے گل پے جانڈی جٹی
دیکھن وا دل نہ آیا میں کہوں کہوں دساں

وہیلے نے لاه لئے لیوے تن وڈھن لگ پئے کیڑے
غرضاًں دا چولا پایا میں کہوں کہوں دساں

مرے دن راتاں دے کپڑے مرے تن تیکر نہیں اپڑے
ہوراں دا تنگ لکایا میں کہوں کہوں دساں

جدوں پرچا سامنے آیا میوں خوف نے مار مکایا
سب بھل گیا رٹیا رٹیا میں کہوں کہوں دساں

اُنچ ساریاں سمجھاں ہے سن اُنچ ساریاں عقلوں ہے سن
میوں لوکاں نے کمایا میں کہوں کہوں دساں

میں جی جی کروا رہ گیا اوہ جانے کیہ کہہ گیا
کچھ علم وی کم نہ آیا میں کہوں کہوں دساں

کڑی جادو دی پڑی

اک گوی دا حال سی پچھیا

اوہ نہ بولی کچھ

پچھدا پچھدا حال میں اوہدا

نہل گیا اپنا حال

کدے فیر وی پھیرا پاویں
کدے فیر وی عید بناویں

دل تیرا اپنا گھر اے
سو واری آویں جاویں

میں اٹھدا بہندا گاواں
ایہو جیہا گیت سناویں

نہ عشق نوں یکاں لائیں

یاراں نال بھاراں

مچل کھڑے تے واواں وگیاں جن تارے مد ہوش
موسم دے بلھاں دے اُتے مٹھے پریم دے گیت
شام سویرے دے ہتھاں وچ مچلاں بھری چنگیر
پر میں تیرے پیار دار وگی ہر شے توں بےزار
تیرے ہاجھوں وسدا جتا، ہر مچل مینوں خار

نہ عشق نوں یکاں لائیں

جھڑے بر موسم وچ مہکن
ایہو جئے پھل کھواویں

جاندی اے جان تے جاوے
توں اپنا قول نبھاویں

تری یاداں دے پھل مہکن، میں جا گلزار کیہ کرنا
مرے گھر وچ بڑی رونق، میں جا کے باہر کیہ کرنا

دکھاں نوں میں حیاتی توں، کدے دکھرا نہیں جانا
کسے ججن نوں کیہ دنا کوئی غم خار کیہ کرنا

دل اوس دا آہٹا اپنا، جدوں آوے جدوں جاوے
اسی آں پیار دے پیچھی اسماں دن پیار کیہ کرنا

تساں جو حکم دینا اے، اساں اوہ من ای لینا اے
اساں انکار کیہ کرنا، اساں اصرار کیہ کرنا

جے ایہ بتاں دی مرضی اے، کدے سوچی نہیں پینا
تے ہس کے سولی چٹھ جانا اساں انکار کیہ کرنا

اسی آن سارے بھوت

”کون ایں ویرا
کاہنوں بوہجی جانیں“
”کوئی نہیں رہندا آجھے ویرا
کوئی نہیں رہندا ویر“
اوپے تنکیا۔۔

بوہے نوں تے باہروں چندراہی
اوپے فیروی و اجاں ماریاں
بولیا کوئی نہ فیر
اوجنوں جاپیا اوہدی واج پرت کے آئی سی
اوجنوں جاپیا جیویں گھروے اندری کوئی بھوت
بچ پچھو تے اسی آن سارے
خروے پھر دے بھوت

دل کافر

دل کافروں کی دھڑکیاں ریتاں
 دھڑکے صدمہ صلاّت
 دل کافر کدے مومن ہو یا؟
 چڑھ گیا سولی تے
 دل کافر کدے گوڑے ٹیکے؟
 پی گیا زبرد جام
 دل کافر نے اپنی کیتی
 جھڑے تخت تے تاج
 دل کافر دی اپنی دنیا
 اپنا اوس داراج

نہ عشق نوں لیاں لائیں

o

جو کینا بھرتا پیندا اے
 چھت کے دی ہرتا پیندا اے
 مینا کہ پیار حیات اے
 پر ہر پل مرنا پیندا اے
 کدوں کون بروٹس بن بیٹھے
 متراں توں ڈرنا پیندا اے

نہ عشق نوں لیاں لائیں

اک تھاں توں یارو سر چٹک کے
تھاں تھاں تے دھرتا پیندا اے

اقبال سمندر جندڑی وچ
دُب دُب کے ترنا پیندا اے

ہور کتھائیں متھالا

موتے انج نہ پوڑی ہو
انج نہ گدڑ بھیکی لا
ماریاں تیرے مر یا کون؟
ڈیئے تیری ہستی کیہ؟
نیندروی اے تیرے ہار
دوہے جندوں چٹن ترار
جہڑے تیرے ہتھوں گئے
اوہ تے لا فانی ہو گئے
میرے نال نہ بھنڈی پا
ہور کتھائیں متھالا

اے میرے سوہنے یار کیہ آکھاں
ٹٹ گئے دل دے تار کیہ آکھاں

مُحَل کھوے نیں کہ تیریاں یاواں
وکھری نوں بہار کیہ آکھاں

کون اے ایس مخلوق دا مالک
توں ایں پروردگار کیہ آکھاں

میں تیرے شہر وچ بٹنا
کناں ہویاں واں خار کیہ آکھاں

ڈھینھ سی زندگی نمک نہیں سکی
ظالم تیرا وار کیہ آکھاں

خُسن دی دیوی

اک تیار حسن دی دیوی

کلم کلّی

دل دی جھلی

بیٹھی فصلاں وڈھدی سی او

نالے نالے

دکھاں والے

ماہیے گاندی جاندی سی

خورے کھڑی بولی سی اوہ

خورے کیہ سن بول

میں اوہدی اکھاں توں اوہلے

اوہنوں کن دا جاندا ساں

جھٹ گھوٹھیریا، اگے ٹر پیا

ماہیا میرے نال

نقد و نقدی کچھ نہیں لکھیا
ماریا شوق ادھار کیہ آکھاں

دل نرا حسرتاں دا بھائیڑ اے
کیہ لکھاں یار کیہ آکھاں

ٹٹ گئی میری چند دی بٹی
تک گیا کاروبار کیہ آکھاں

تن دے اندر تنور بھکھدا اے
قہر آکھاں کہ پیار کیہ آکھاں

o

ایہ جھلا دل کر لاند اے
ایہ خورے کیہ کیہ چاند اے

اتھرو نہیں اپنی اکھاں وچ
پر ہوراں نوں سمجھاند اے

جھڑا روشن چارے پاسے سی
اوہ سورج ڈبدا چاند اے

میں سدھے پاسے جانا واں
دل مٹاں ترے پاندا اے

عشق دی بازی

میں عشق دی بازی جت لئی اے
 میں ہار کے ہاریا نہیں لوگو
 میں سر بھر نے ڈگیا ساں
 مینوں آکے اوہنے چکایا اے
 مینوں راہواں ساریاں بھلیاں سن
 اوہنے ہتھوں آکے پھڑلایا اے
 میں مویا ساں
 میں مویا ساں
 اوہنے نویں حیاتی دتی اے
 فیروز ب کے سورج چڑھ گیا اے
 فیروز اماں روشن روشن من
 فیروز ہمدے گاندے دن آئے
 میں عشق دی بازی جت لئی اے

سب اکھاں ٹوٹی بیٹھے نہیں
 جو ہونا ہوندا چاندا اے

میں باہر بہہ کے لکھتا واں
 کوئی اندر توں لکھواندا اے

کوئی تر سے شکی روٹی نوں
 کوئی حلوا پوری کھاندا اے

کوئی روئے بہ کے ویلے
 کوئی ہسدا اے کوئی گاندا اے

کوئی موجاں مانے مٹاں وچ
 کوئی باہروں جھاتی پاندا اے

میں خورے کیہ کیہ کرنا واں
پر دوش کسے تے دھرنا واں

میری اپنے نال لڑائی اے
کدے بھتاں واں کدے ہرنا واں

جو میرے کولوں ڈر وا اے
میں اوہدے کولوں ڈرنا واں

ایہ دریا پار تے کرنا اے
کدے ڈبنا واں کدے ترنا واں

کچھ بھولیاں بھالیاں ٹھکڑاں نہیں
کدے ختاں کدے مکرنا واں

موت

مرن دامینوں خوف نہ کوئی
کہو اے جنہوں موت نہ آئی

خوف اے مینوں

اے میری سوتلی!

کوئی میں تیں پیار کران گا

کنج تیرا دیدار کران گا

مرن دامینوں خوف نہ کوئی

کہو اے جنہوں موت نہ آئی

خوف اے مینوں ایسے گل وا

گھاں میں جودل اے اندر

بھانڈ بن کے

آخر اک دن

مینوں اک ساژنہ دیون

o

اساں آساں لا کے کیہ کرنا
گھر بار سجا کے کیہ کرنا

ساڈے دل دا کوٹھا کچا لے
اساں محل بنا کے کیہ کرنا

ساڈا جوگیاں والا پھیرا لے
کچے منجی ڈاہ کے کیہ کرنا

سانوں اکو ای یاری کافی لے
نت یار بنا کے کیہ کرنا

جہڑا مینوں اپنا مَن دا نہیں
میں اوہدے اُتے مرنا واں

جیتھے ہاواں ہو کے ورحدے نہیں
میں اچھوں روز گزرنا واں

ویلے کویلے

کدے اوکھے ویلے آندے نیں
 کدے سوکھے ویلے آندے نیں
 کدی یاراں نال بہاراں نیں
 کدی یاراں وتیاں ہاراں نیں
 کدے چنگے دن
 کدے مندے دن
 کدے اوکھے پنڈے آندے نیں
 توں اگے قدم ودھائی جا
 اگے توں اگیرے جائی جا

ساڈا سوہنا بجن بھل ورگا
 اساں بھل اگ کے کیہ کرنا

ایہ میلا چار دیہاڑے دا
 اساں پیلاں پا کے کیہ کرنا

دل نہ ڈھاؤ فُروے جاؤ
 فُروے جاؤ فُروے جاؤ
 تھوڑیاں ساہواں لمبیاں راہواں
 گل مکاؤ فُروے جاؤ
 تھاں تھاں اُوس سوہنے دا ڈیرا
 قدم وودھاؤ فُروے جاؤ
 اوکھے سوکھے ویلے آسن
 توڑ نہھاؤ فُروے جاؤ
 پیار دے دھوکے دل لئی سوکھے
 دھوکے کھاؤ فُروے جاؤ
 جو وی ہونا ہو کے رہنا
 سو ہساؤ فُروے جاؤ

ثرنا پینڈے ثرنا منزل
 نہ گھبراؤ فُروے جاؤ
 چندڑی ساری ثرنا ای ثرنا
 بھین بھراؤ فُروے جاؤ
 جھوے لیڑے چندڑی پائے
 رنج ہنداؤ فُروے جاؤ
 کنبے لٹیا کیہ کیہ لٹیا
 منی پاؤ فُروے جاؤ
 کاہدے لئی ایہ ہوکے ہاڑے
 ڈنگ نپاؤ فُروے جاؤ

ویلے دی مار نوں کیہ آکھاں
میں اپنی ہار نوں کیہ آکھاں

کدے ہسدا نہیں کدے روندنا نہیں
میں دل پیار نوں کیہ آکھاں

میں آپے ای بھار اٹھایا اے
کے سنگی یار نوں کیہ آکھاں

چھڑی پھینٹی کرماں لائی اے
اوس مارو مار نوں کیہ آکھاں

جیتھے بندے مال وکاؤ نہیں
اوس کاروبار نوں کیہ آکھاں

نویں حیاتی

کل اوہدی لی کال آئی

انج لگیا کوئی سفتا اے

میں چوڑھیاں وڈھیاں پنڈے تے

انج کئی دیہاڑے گزر گئے

اوہ غمنا میرا سچا اے

جی کروا اے چندڑی ساری

ایس سفتے تے واردیاں

اپنا سمجھ کجھ ہاردیاں

میںوں پیاریاں مار مکایا اے
میں تیرے پیار نوں کیہ آکھاں

میںوں عشق تے ہاسا آوندا اے
میں حسن دے وار نوں کیہ آکھاں

فطرت دا اک شاہکار اے اوہ
ابڑ تیار نوں کیہ آکھاں

جہدے پھلاں کنڈے چوہے نہیں
اویں گل گزار نوں کیہ آکھاں

سواگت

راہواں دے سوچ نہ مل وچھاواں

جھنڈیاں لاواں

چٹیاں پاواں

خورے اوہ آوے نہ آوے

ہرے آیا

ہلے ای ہلے

ستے ای خیراں

میں آپے ای جت کے ہار گیا
اودھا ہرنا میںوں مار گیا

میں لوکو دُئین لگا ساں
اک سندر سفتا تار گیا

اوہ دو گھڑیاں لئی آیا سی
میں جندڑی اوس تے وار گیا

کدے ویکھیا جے کدے سوچیا جے
اک پل ورسیاں نوں چار گیا

یادان دیے گھنگرو

کیہ دساں میں کون سی آیا
کہے آکے جی پرچایا
کدے نساہ، کدے بھجایا
اپنا سی کہ کوئی پرلایا
کیہ دساں میں، کون سی آیا

کدے نہ کرنا پیار رانجھا جھلا سی
سوچیا لکھاں وار رانجھا جھلا سی

اسیں تے عشق تماشا دیکھی بیٹھے آں
سانوں نہ بُن چار رانجھا جھلا سی

پیار دیاں گھاں تے گھاں ای گھاں نہیں
پیار اے کاروبار رانجھا جھلا سی

جیون پنڈا سبھ نے کلیاں کرنا اے
کون کے دا یار رانجھا جھلا سی

اک ویلا مڑ کے نہیں آیا
اک وار آیا اک وار گیا

اوہ اک وی لکھاں ورگا سی
میرے ہتھوں اک سنسار گیا

میں پیار دی ہتی پائی سی
میرا سارا مال اُدھار گیا

خوڑے کتیاں، اوہدیاں راہواں نکدیاں سن
ہیراں لکھ ہزار رانجھا جھلا سی

چکدا اونا ای بھار کہ چتا چک سکدا
ڈگ پیا بر دے بھار رانجھا جھلا سی

ایہ اکیویں صدی لے دل تے قابو رکھ
میرے برخوردار رانجھا جھلا سی

ویلا

ویلا کیہ کیہ ہونج کے لے گیا اپنے نال
سوہنے سخن کہانی سن گئے
جہناں دے سارے سال مینے گھنٹے، گھڑیاں
ساڈے لئی سن
ہن ساڈے لئی
اک پل وی اوہ کدھ نہیں سکدے
جیون جھیلے چھڈ نہیں سکدے

کیہ جتیا سی کجھ چیتا نہیں
کیہ ہاریا سی کجھ چیتا نہیں

کجھ لکھ کے قلم تروڑ دتا
کیہ لکھیا سی کجھ چیتا نہیں

میں اوں دا سی میں اوں دا ہاں
اوہ میرا سی کجھ چیتا نہیں

کدے مہلیاں ہریاں بھریاں سن
مینہ ورہیا سی کجھ چیتا نہیں

پچھتاوا

بیٹھے بیٹھے نیندرا گئی
اکھ بے گھٹی، کھلی رہ گئی
نیند رمینوں مہنگی پے گئی

جو دیکھیا دیکھ کے ویر گیا
کیہ دیکھیا سی کجھ چیتا نہیں

سبھ لوڑاں میریاں مک گھیاں
کیہ مٹگیا سی کجھ چیتا نہیں

اُنھ اُنھ کے چنڈری کٹ وتی
کدوں ڈگیا سی کجھ چیتا نہیں

0

میں دین ایمان دنجایا پر کجھ وی ہتھ نہ آیا
میں کیہ کیہ کفر کھلیا پر کجھ وی ہتھ نہ آیا

کیہ ظالم بین وچھوڑے، دن مٹھے ہو گئے کوڑے
میں تھاں تھاں جی پر چایا پر کجھ وی ہتھ نہ آیا

اک بھوتن پلے پلے گیا مینوں مٹھوں کھو کے لے گیا
میں ہر منتر پڑھوایا پر کجھ وی ہتھ نہ آیا

اوہ وچ ڈولی دے بہہ گئی، مینوں اللہ بلی کہہ گئی
میں اک اک قول نبھایا پر کجھ وی ہتھ نہ آیا

کیہ اوکڑ دے دن آئے مینوں بھل گئے اپنے سائے
میں اک اک در کھڑکایا پر کچھ وی ہتھ نہ آیا

میں پتھر پوجن بہہ گیا میں پتھر بن کے رہ گیا
میں کیہ کیہ دھوکا کھلایا پر کچھ وی ہتھ نہ آیا

o

ایویں لکھنی رام کہانی
کہے سنی کدوں ستانی

مچھلاں دی رُت چار دیہاڑے
سوچ سمجھ لے میرے ہانی

ایہ دل کھلا ایویں خش اے
رُت مستانی آئی جانی

بن نہیں دل دے شہر نوں جانا
بن نہیں اپنی جان گنوانی

دل دے کتیں فیر سنائی
شوخ نظر نے بات پرانی

ایہ اکیویں صدی اے ویرا
پھیر نہ پانی وچ مدھانی

انج نہیں سجنو گھر نوں جانا
انج نہیں سجنوں گل مکانی

o

جیاتی کھیڈ دی ہسدی جے میرے کول ہوویں ہا
وفا دی بانسری وجدی جے میرے کول ہوویں ہا

تری زلفاں دی چھاویں بہہ کے تینوں سوچدا رہندا
مری توں شاعری ہوندى جے میرے کول ہوویں ہا

ترے میں حسن اگے ساری دنیا ڈھیر کر دیندا
تو اندر دی پری ہسدی جے میرے کول ہوویں ہا

نظرِ شاخاں تے کھڑے محل، آساں دے، اُمیداں دے
تمنا دی ہوا وگدی جے میرے کول ہوویں ہا

اوہ محفل جس دی یاداں دے ستارے اج وی روشن نہیں
اوہ محفل ہر گھڑی سجدی جے میرے کول ہوویں ہا

o

مرے کولوں نگھ گئی لاری میں بیٹھا ویرندا رہ گیا
سب پہ گئے وارو واری میں بیٹھا ویرندا رہ گیا

سب وعدے نکلے کوڑے سب قسماں جھوٹیاں موٹھیاں
ہر وعدے توں انکاری میں بیٹھا ویرندا رہ گیا

میں مترو سوچی پے گیا مینوں سارے پچھے جھڈ گئے
میرے کول نہ کوئی سواری میں بیٹھا ویرندا رہ گیا

نہ عشق نوں یکاں لائیں

نہ عشق نوں یکاں لائیں

کدے چین دا ول نہ آیا کدے میرا کل نہ آیا
میں چت چت بازی ہاری میں بیٹھا وہندا رہ گیا

میری نس بھیج نے کیہ کیہ میرا کوئی زخم نہ سیتا
میرے پلے پلے گئی خواری میں بیٹھا وہندا رہ گیا

o

کیہ سوتی جوانی ویر گئی، کیہ سوہنا زمانہ ویر گیا
ایس دنیا نے اوہ مت ماری اک پیار پرانا ویر گیا

میں دوڑیا نسیا کیہ کھنیا، مینوں دنیا داری مار گئی
اک جان سی شوہری کھڑکچ گئی، اک دل سی نمنا ویر گیا

اسی شہراں دے وینیک ہوئے، جتھے لکا لکا ہر کوئی
جتھے سندر سوہنے ودے سن، اوتھے آنا جانا ویر گیا

کیہ ڈھیر اُتیر اڑاناں سن پر ڈگے تھلے منہ پاروں
کرماں نوں بیٹھے رونے آں سب ہنا ہنا ویر گیا